

Broj:01/1- \_\_\_\_\_/19  
Kakanj, \_\_\_\_\_ 2019. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08), Općinsko vijeće na sjednici, održanoj \_\_\_\_\_2019, donijelo je:

**ODLUKU**  
**o dodjeli stipendija studentima i učenicima koji se školuju za deficitarna zanimanja**

**I Opće odredbe**

**Član 1.**  
**(predmet Odluke)**

Ovom odlukom utvrđuju se uslovi, kriteriji kao i postupak za dodjelu stipendija za deficitarna zanimanja studentima I ciklusa studija i učenicima srednjih škola koji su državljani Bosne i Hercegovine i imaju prebivalište na području općine Kakanj.

Deficitarna zanimanja su zanimanja za koja nedostaju kadrovi, a tržište rada na području općine za njima iskazuje potrebu.

Općinski načelnik, na osnovu podataka Zavoda za zapošljavanje i Udruženja poslodavaca, određuje deficitarna zanimanja koja će se stipendirati na način utvrđen ovom odlukom pojedinačno za svaku akademsku/školsku godinu.

**Član 2.**  
**(korisnici stipendija)**

Stipendiju iz člana 1. ove odluke mogu ostvariti studenti I ciklusa studija i učenici srednjih škola, sa prebivalištem na području općine Kakanj, koji pohađaju programe obrazovanja za deficitarna zanimanja za kojima je iskazana potreba od strane privrednih subjekata sa postignutim uspjehom najmanje dobar (3) .

Stipendije se dodjeljuju studentima i učenicima koji upisuju prvu godinu studija/prvi razred. Studenti/učenici koji ostvare pravo na stipendiju mogu koristiti to pravo do završetka srednje škole odnosno do završetka I ciklusa studija, pod uslovima utvrđenim ovom odlukom.

**Član 3.**  
**(broj i visina stipendije)**

Broj stipendija utvrđuje se za svaku godinu na osnovu planiranih sredstava u budžetu za ovu namjenu.

Visina stipendije za studente utvrđuje se u iznosu od 150,00 KM mjesečno, a isplata će se vršiti u deset mjesečnih rata.

Visina stipendije za učenike utvrđuje se u iznosu od 100,00 KM mjesečno, a isplata će se vršiti u devet mjesečnih rata.

## **II Postupak dodjele stipendija**

### **A-konkurs**

#### **Član 4. (raspisivanje konkursa)**

Stipendije se dodjeljuju kandidatima na osnovu konkursa kojeg raspisuje nadležna služba Općine Kakanj – Služba za društvene djelatnosti, boračka pitanja, raseljena lica, izbjeglice i povratnike Općine Kakanj. Konkurs će biti objavljen na oglasnoj ploči i Službenoj stranici Općine Kakanj. Uz konkurs se objavljuje i lista deficitarnih zanimanja za akademsku/školsku godinu.

#### **Član 5. (sadržaj konkursa)**

- Konkurs za dodjelu stipendija sadrži podatke o:
- a) ukupnom iznosu sredstava namijenjenih za stipendiranje
  - b) visini stipendija i broju mjesečnih rata u kojima će se vršiti isplata
  - c) kandidatima koji imaju pravo učešća na konkursu
  - d) kandidatima čije prijave neće biti uzete u razmatranje
  - e) kriterijima na osnovu kojih se vrši izbor kandidata
  - f) dokazima koje kandidati prilažu uz prijavu na konkurs
  - g) roku za prijavu na konkurs i organu kojem se prijava podnosi

#### **Član 6. (izuzeće od prava učešća na konkursu)**

- Pravo učešća na konkursu nemaju kandidati:
- studenti/učenici koji nemaju prebivalište na području općine Kakanj
  - vanredni studenti, studenti na daljinu i vanredni učenici
  - studenti/učenici koji primaju stipendiju drugog pravnog subjekta
  - učenici koji su u prethodni razred završili sa uspjehom manjim od dobar (3)

### **B- Prijava na konkurs**

#### **Član 7. (dokumentacija uz prijavu na konkurs)**

Zainteresovani kandidati trebaju priložiti sljedeću dokumentaciju (original ili ovjerena kopija):

1. Za studente i učenike prve godine studija/školovanja
  - a. prijavu na konkurs,
  - b. prijavu prebivališta kandidata
  - c. ovjerenu izjavu kandidata da ne prima stipendiju drugog poslodavca
  - d. potvrdu o redovnom studiju sa naznakom da je student prvi put upisao određenu godinu studija, sa naznačenim smjerom
  - e. potvrdu o upisu u srednju školu sa naznačenim smjerom/zanimanjem

- f. uvjerenje završnog razreda osnovne škole
  - g. ovjerene kopije svjedodžbi od I-IV razreda srednje škole
2. Za studente i učenike druge i viših godina studija/školovanja
- a. prijavu na konkurs
  - b. prijavu prebivališta kandidata
  - c. ovjerenu izjavu kandidata da ne prima stipendiju drugog poslodavca
  - d. potvrdu o redovnom studiju sa naznakom da je student prvi put upisao određenu godinu studija, sa naznačenim smjerom
  - e. potvrdu o upisu u srednju školu sa naznačenim smjerom/zanimanjem
  - f. ovjerena kopija svjedodžbe iz prethodne školske godine
  - g. uvjerenje o položenim ispitima sa izvedenom prosječnom ocjenom u prethodnoj akademskoj godini

Ukoliko se utvrdi da je dokumentacija uz prijavu na konkurs neblagovremena, nepotpuna, neuredna i netačna, prijava na konkurs se neće uzeti u razmatranje.

### **Član 8. (postupak po prijavi)**

Prijava na konkurs sa potrebnom dokumentacijom podnosi se Službi za društvene djelatnosti, boračka pitanja, raseljena lica, izbjeglice i povratnike Općine Kakanj.

### **C- Kriteriji za izbor kandidata**

#### **Član 9. (kriteriji)**

Kriteriji za dodjelu stipendija učenicima i studentima koji se obrazuju za deficitarna zanimanja su:

- utvrđena deficitarnost
- ostvareni uspjeh tokom prethodnog perioda/ciklusa školovanja

#### **Član 10. (uspjeh)**

Na osnovu ostvarenog uspjeha kandidat ostvaruje bodove:

- a) za učenike prvog razreda srednje škole
  - za ostvaren odličan uspjeh u devetom razredu – prosječna ocjena uvećava se za 4 i množi sa koeficijentom 5.
  - za ostvaren vrlo dobar uspjeh u devetom razredu – prosječna ocjena se uvećava za tri i množi sa koeficijentom 5.
  - za ostvaren dobar uspjeh u devetom razredu – prosječna ocjena se uvećava za 1 i množi sa koeficijentom 5.
- b) za studente prve godine
  - za ostvaren odličan uspjeh tokom školovanja – prosječna ocjena uvećava se za 4 i množi sa koeficijentom 5.
  - za ostvaren vrlo dobar uspjeh tokom školovanja – prosječna ocjena se uvećava za tri i množi sa koeficijentom 5.
  - za ostvaren dobar uspjeh tokom školovanja – prosječna ocjena se uvećava

za 1 i množi sa koeficijentom 5.

Ukoliko 2 ili više kandidata imaju isti broj bodova, prednost imaju oni kandidati koji su postigli bolji uspjeh iz predmeta važnih za struku.

### **Član 11. ( komisija )**

Općinski načelnik rješenjem formira Komisiju koja vrši bodovanje prijavljenih kandidata u skladu sa kriterijima iz ove Odluke i sačinjava preliminarnu listu kandidata za dodjelu stipendija.

Preliminarna lista ističe se na oglasnoj ploči i Službenoj stranici Općine.

Na listu se može izjaviti prigovor Komisiji iz stava 1. ovog člana u roku od 8 dana od dana objave liste.

Nakon odlučivanja o podnesenim prigovorima nadležna služba sačinjava konačnu listu kandidata za dodjelu stipendija i donosi rješenje kojim se priznaje ili odbija pravo na dodjelu stipendije. Protiv rješenja dopuštena je žalba Drugostepenoj komisiji za žalbe Općinskog vijeća.

Sa kandidatima koji ostvare pravo na stipendiju zaključuje se ugovor o stipendiranju za svaku akademsku/školsku godinu.

### **III UGOVORNE OBAVEZE**

#### **Član 12.**

Ukoliko stipendista mora prekinuti školovanje zbog bolesti, nesreće ili sličnih okolnosti zbog kojih ne može ispunjavati školske obaveze, dužan je u roku od 30 dana pismeno dostaviti dokaze nadležnog tijela ili institucije radi daljeg regulisanja stipendije.

Ukoliko stipendista ponavlja godinu isplata stipendije se obustavlja za tu školsku/akademsku godinu. Upisom u narednu školsku/akademsku godinu stipendista nastavlja sa korištenjem stipendije do završetka srednje škole odnosno do završetka I ciklusa studiranja.

Obaveza vraćanja stipendije nastaje u slijedećim slučajevima:

- ukoliko stipendista prekine školovanje u školi ili smjeru obrazovanja za koji prima stipendiju, dužan je vratiti cjelokupan iznos primljene stipendije u roku od jedne godine od dana prekida školovanja;
- ukoliko stipendista bude isključen iz obrazovne institucije, ukoliko se utvrdi da je dao lažne podatke na osnovu kojih je ostvario pravo na stipendiju ili ukoliko se utvrdi da je primao stipendiju drugog pravnog subjekta, ugovor se jednostrano raskida i stipendista je dužan vratiti cjelokupno primljeni iznos stipendije u roku od tri mjeseca od raskida ugovora;

## IV ZAVRŠNE ODREDBE

### Član 13.

Ova Odluka stupa na snagu danom donošenja, a bit će objavljena u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

---

Katičić Slaven

## OBRAZLOŽENJE ODLUKE

### Pravni osnov

Pravni osnov za donošenje Odluke temelji se na odredbama člana 13. Zakona o principima lokalne samouprave u Federaciji Bosne i Hercegovine („Službene novine FBiH“, 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08)

### Razlozi za donošenje:

Općinski načelnik je rješenjem broj:02/1-3998/19 od 21.05.2019. godine imenovao Radnu grupu za izradu Prijedloga Odluke o stipendiranju studenata fakulteta koji pohađaju studijske programe obrazovanja za deficitarna zanimanja za kojima je iskazana potreba od strane privrednih subjekata sa područja općine Kakanj.

Takođe, rješenjem broj: 02/1-3997/19 od 21.05.2019. godine imenovana je Radna grupa za izradu Prijedloga Odluke o stipendiranju učenika koji se obrazuju za deficitarna zanimanja za kojima je iskazana potreba od strane privrednih subjekata sa područja općine Kakanj, u istom sastavu.

Na osnovu zaključaka sa sastanaka i prijedloga članova radne grupe sačinjen je Prijedlog Odluke o dodjeli stipendija za deficitarna zanimanja, koja se dostavlja Općinskom vijeću na razmatranje i usvajanje.

Za realizaciju navedene odluke potrebna su dodatna finansijska sredstva koja je potrebno planirati u budžetu za ovu namjenu.

Obrađivač:  
Radna grupa

Predlagač:  
Općinski načelnik